

REGIONAL NEWS UNIT
ALL INDIA RADIO, AGARTALA
Date: 24-05-2024
Time: 07.35-07.40 AM Hrs
BENGALI MORNING BULLETIN

TBSE Result :

ত্রিপুরা মধ্যশিক্ষা পর্ষদ পরিচালিত চলতি বছরের উচ্চমাধ্যমিক, মাধ্যমিক, মাদ্রাসা ফাজিল ও মাদ্রাসা আলিমের ফলাফল আজ প্রকাশিত হবে। আজ দুপুর ১২টায় পর্ষদ ভবনে ফলাফল ঘোষণা করবেন সভাপতি ডঃ ধনঞ্জয় গণচৌধুরী। ছাত্রছাত্রীরা দুপুর সাড়ে বারোট্টা থেকে ওয়েবসাইটে ফলাফল দেখতে পারবে। ওয়েবসাইটগুলি হল www.tbse.tripura.gov.in, www.tbresults.tripura.gov.in, www.tripurainfo.com, www.jagaranjosh.com, www.results.shiksha, www.indianexpress.com .

Election 6th Phase :

অষ্টাদশ লোকসভা নির্বাচনের ষষ্ঠ পর্বে আটটি রাজ্য ও কেন্দ্রশাসিত অঞ্চলের ৫৮টি আসনে আগামীকাল ভোটগ্রহণ করা হবে। এই পর্বের নির্বাচনে প্রতিদ্বন্দ্বিতায় রয়েছেন ৮৮৯ জন প্রার্থী। গতকাল এই পর্বের সরব প্রচার শেষ হয়েছে ।

Election Fifth Phase :

লোকসভা নির্বাচনের পঞ্চম দফায় ভোট পড়েছে ৬২.২ শতাংশ। আজ নির্বাচন কমিশনের পক্ষ থেকে এতথ্য জানানো হয়। উল্লেখ্য, গত মঙ্গলবার লোকসভা নির্বাচনের পঞ্চম দফায় ৮টি রাজ্য ও কেন্দ্রশাসিত অঞ্চলের মোট ৪৯টি আসনে ভোটগ্রহণ করা হয়।

New Criminal Laws-Training :

আইপিসি, সিআরপিসি, এবং এভিডেন্স অ্যাক্ট এই তিনটি ক্রিমিন্যাল ল এর পরিবর্তে নতুন করে যে ভারতীয় ন্যায় সংহিতা ২০২৩, ভারতীয় নাগরিক সুরক্ষা সংহিতা ২০২৩ এবং ভারতীয় সাক্ষ্য অধিনিয়ম ২০২৩ সংসদে পাশ হয়েছে। আগামী পয়লা জুলাই তা থেকে দেশে চালু হচ্ছে। এ ব্যাপারে রাজ্য পুলিশের পক্ষ থেকে বিভিন্ন স্তরের পুলিশ কর্মীদের বিশেষভাবে প্রশিক্ষণ দেওয়া হচ্ছে। নড়সিংগরের কেটিডি সিং পুলিশ ট্রেনিং একাডেমিতে এই প্রশিক্ষণ চলছে। এ এস আই থেকে অতিরিক্ত পুলিশ সুপার পর্যায়ে আট ধাপে প্রায় ৪০০ জন পুলিশ কর্মীকে ইতিমধ্যেই প্রশিক্ষণ দেওয়ার কাজ শেষ হয়েছে। আরো প্রায় ৪০০ পুলিশ কর্মীকে এই প্রশিক্ষণ দেওয়া হবে। আগামী ১৫ই জুনের মধ্যে রাজ্যভিত্তিক এই প্রশিক্ষণ শেষ করা হবে বলে পুলিশ সূত্রে জানা যায়।

RABINDRA NATH TAGORE :

হিরন্ময় চক্রবর্তী মেমোরিয়েল ফাউন্ডেশন এর উদ্যোগে গতকাল রবীন্দ্র ভবনে ব্যক্তি মানসে রবীন্দ্র নাথ বিষয়ক এক আলোচনাচক্র অনুষ্ঠিত হয়। অনুষ্ঠানে অবসরপ্রাপ্ত বিচারপতি সুভাষিষ তলাপাত্র, এডভোকেট জেনারেলর সিদ্ধার্থ শংকর দে সহ বিশিষ্টজনেরা কবিগুরুর জীবনের নানা দিক নিয়ে আলোচনা করেন।

Blood Donation :

অ্যাসোসিয়েশন অফ রেডিওলজিক্যাল টেকনোলজিস্টের উদ্যোগে গতকাল আগরতলা সরকারি মেডিকেল কলেজে স্বচ্ছায় রক্তদান শিবিরের আয়োজন করা হয়। উপস্থিত ছিলেন ত্রিপুরা স্বাস্থ্য দপ্তরের অধিকর্তা ডাঃ সঞ্জীব দেববর্মা, জিবিপি হাসপাতালের ডেপুটি মেডিক্যাল সুপারিনটেনডেন্ট ডাঃ কনক চৌধুরী প্রমুখ । রক্তদান শিবিরে ২০ জন রেডিওলজিক্যাল টেকনোলজিস্ট রক্তদান করেন।

Update Akashvani :

শ্রোতাবন্ধুরা, আকাশবাণীর সংবাদ সহ বিবিধ খবরের বিস্তৃত আপডেট পেতে লগ ইন করুন - ডব্লিউ, ডব্লিউ, ডব্লিউ ডট, নিউজ অন এআইআর ডট কম এবং নিউজ অন এআইআর অ্যাপ, এবং টুইটার অর্থাৎ এক্স প্ল্যাটফর্মে। আপডেট পেতে দেখুন আকাশবাণী নিউজ আগরতলা / ফেসবুকে এআইআর নিউজ আগরতলা এবং ইউ টিউবে এআইআর নিউজ আগরতলা।

Ganja :

জিআরপি এবং আরপিএফ থানার পুলিশ গতকাল রাতে যৌথ অভিযানে আগরতলা রেল ষ্টেশনে ২২ কিলো গাঁজা সহ দুই যুবককে গ্রেপ্তার করেছে। ধৃতদের তল্লাশি করে পুলিশ ২২ কিলো গাঁজা পেয়েছে। পুলিশ জানিয়েছে, ধৃতদের বাড়ি বিহারে। ধৃতদের বিরুদ্ধে এনডিপিএস আইনে মামলা নিয়েছে পুলিশ।

GOLDEN JUBILEE OF CHESS :

ত্রিপুরা দাবা সংস্থার সুবর্ণজয়ন্তী অনুষ্ঠানের সূচনা হলো। প্রদীপ প্রজ্বলন করে গতকাল এর আনুষ্ঠানিক সূচনা করেন রাজ্যের ক্রীড়া সংগঠক তথা অল ত্রিপুরা চেস অ্যাসোসিয়েশনের পৃষ্ঠপোষক রূপক সাহা। অনুষ্ঠানে অন্যান্যদের মধ্যে সংস্থার প্রাক্তন সম্পাদক অপরাজিত ব্যানার্জি, সর্বভারতীয় চেস ফেডারেশনের সদস্য দেবব্রত ভট্ট, প্রখ্যাত কোচ দুর্গা প্রসাদ মহাপাত্র প্রমুখ উপস্থিত ছিলেন। এর আগে বর্ণাঢ্য প্রভাত ফেরি রাজধানীর রাজপথ পরিক্রমা করে। পরে উন্মুক্ত দাবা প্রতিযোগিতা শুরু হয়। প্রথম দিনে তিন রাউন্ডের খেলা অনুষ্ঠিত হয়েছে। এই আসরে ১৬০ জন দাবাড়ু অংশ নিয়েছে।

Weather :

ভারতীয় আবহাওয়া বিভাগের পক্ষ থেকে জানানো হয়েছে, দক্ষিণ-পশ্চিম বঙ্গোপসাগর এবং সংলগ্ন পশ্চিম মধ্য বঙ্গোপসাগরে একটি নিম্নচাপ তৈরি হয়েছে। যার অভিমুখ উত্তর-পূর্ব দিকে। এটি আরো শক্তিশালী হয়ে ধীরে ধীরে গভীর নিম্নচাপে পরিণত হবে। যা আরও উত্তর-পূর্ব দিকে অগ্রসর হয়ে অতি গভীর নিম্নচাপে পরিণত হবে এবং উত্তর-পূর্ব ও সংলগ্ন উত্তর-পশ্চিম বঙ্গোপসাগরের ওপরে অবস্থান করবে। এটি অতি প্রবল ঘূর্ণিঝড় রেমাল 'এ' পরিণত হয়ে ২৬শে মে সন্ধ্যায় নাগাদ বাংলাদেশ এবং পশ্চিমবঙ্গের উপকূলে অঞ্চল অতিক্রম করতে পারে। এর প্রভাবে আগামী ২৬ এবং ২৭শে মে পশ্চিমবঙ্গ উপকূল অঞ্চল এবং উত্তর উড়িষ্যা উপকূল অঞ্চলের বেশ কয়টি জেলায় ঝড়ো হওয়া সহ অতি ভারী বৃষ্টিপাতের সম্ভাবনা রয়েছে। পাশাপাশি আগামী ২৬ এবং ২৭শে মে ত্রিপুরা, মিজোরাম এবং দক্ষিণ মণিপুরে ভারী থেকে অতি ভারী বৃষ্টিপাতের সতর্কতা জারি করা হয়েছে।

এদিকে, আগরতলার আবহাওয়া দপ্তর সুত্রে জানা গেছে, আগামী ২৪ ঘণ্টায় রাজ্যের কিছু কিছু স্থানে তাপমাত্রা বৃদ্ধির পাশাপাশি বাতাসে আর্দ্রতার পরিমাণ বাড়বে। আকাশ আংশিক মেঘাচ্ছন্ন থাকবে। দু'য়েক জায়গায় বজ্র বিদ্যুত সহ হালকা থেকে মাঝারি বৃষ্টিপাতের সম্ভাবনা রয়েছে। আজ রাজ্যে দিনের তাপমাত্রা সর্বোচ্চ সাঁইত্রিশ ডিগ্রি সেলসিয়াস এর কাছাকাছি থাকবে। আজ ভোরের সর্বনিম্ন তাপমাত্রা ছিল ২৫ ডিগ্রী সেলসিয়াস।
